

یوہ آکا شوانی جموں ہے عبدلرحمان تیں خبر سٹو۔

AMARNATH YATRA

شریامرناتھ جیپاترہ با دستور عقیدت سنگ جاری ہے کل 18633 یاتریاں نے درشن کیا ہیں جس سنگ پوتر گپھا غا درشن کرن آلا غی کل تعداد 111974 ہوگئی ہے لیفٹیننٹ گورنر منوج سنہا نے سماجی ذرائع ابلاغ ایکس ور اس گل نانہ سانجھا کیو ہے جے یوہ عقیدتی سفر ابتدائی 6 دنان مانہ 1 لکھ یاتریاں تیں تجاوز کر چکو ہے یاترہ دوان رستان یعنی کہ پہلگام تے بالنتال تیں بہتر طریقہ سنگ جاری ہے تے آئیندہ دنان مانہ مزید عقیدت منداناں مانہ متوجہ کرن غی توقعو ہے اسے دوران سخت حفاظتی انتظامات غے تحت آج سویرے 8 ووں قافلو 7 ہزار 579 یاتریاں ور مستمل جموں گا بھگوتی نگر بنیادی کیمپ تیں 302 گڈیاں مانہ روانہ ہوا ہیں اس جتہ مانہ 5719 مرد 1577 خوانین 40 بچہ 167 سادھو تے 76 سادھوی شامل تھا ان وچوں 3031 یاتری بالنتال بنیادی کیمپ تے 4548 یاتری پہلگام بنیادی کیمپ واسطے روانہ ہوا ہیں جتوں وے پوتر گپھا در مزید سفر کریںگا۔

SECURITY REVIEW

امرناتھ جی یاترہ غا جاری عمل نانہ محفوظ تے کوش اسلوبی سنگ انجام دین نانہ یقینی بنان واسطے ڈائریکٹر جنرل پولیس نلین پرہیات نے آئی جی پی کشمیر ڈی آئی جی کشمیر رینج تے دوجا اعلی افسران غے ہمراہ بالنتال رستی ور ایک مربوط حفاظتی جائیزو لیو اعلی سطحی ٹیم نے موقعور موجود اہلکاراں سنگ ملاقات کی تے نقل و حمل نگرانی غا نظام تے بکھ بکھ حفاظت سو ل ایجنسیاں غے بشکار ہم آہنگی غو جائیزو لیو اسے دوران ڈی جی سی آر پی ایف جی پی سنگھ نے وی جموں تیں سرینگر تک یاترہ غا رستہ ور حفاظتی انتظامات گو مربوط جائیزو لیو انہاں نے رام بن ت چندر کوٹ مانہ جموں کشمیر پولیس تے سی آر پی ایف غا افسران سنگ ملاقات کی ت پسانجہ حفاظتی نظام مانہ قیمتی معلومات حاصل کیں۔

YATRA RAMBAN HEALTH

شری امرناتھ جی یاتریاں غی صحت تے پہلائی بہتری واسطے محکمہ آیوش رام بن تے حکومت جموں کشمیر غا تعاون سنگ یاترہ غا رستہ ور رام ضلع مانہ طبی امدادی کیمپ قائم کیاہیں یہ کیمپ یاتری نواں چندر کوٹ تے نمبر گروئنڈ ور قائم ہیں ان کیمپاں مانہ عام طبی معائینو طبی مشورو تے تمام بیماریاں واسطے مفت دوائیں فراہم کی جارہی ہیں اس غے علاوہ صفائی عزائیت تے پہلائی بہتری غے متعلق بیداری غی خاطر یوگا اجلاس تے احتیاطی صحت تعلیم وی فراہم کی جارہی ہے۔

FOREST MIN

وزیر جنگلات جاوید احمد رانا نے ماحولیاتی تحفظ واسطے کئی نواں پہلوں گو اعلان کی وے جن مانہ 5 جنگلات حیاطیاتی بچاؤ مرکز غا باضابطہ منظوری ت جموں کشمیر مانہ 18 نواں ٹریکنگ رستان غی شروعات شامل ہیں یوہ اعلان اچھگام قومی پارک مانہ ایک تقریب غے دوران کیو گئو جت جنگلی حیاطیات بارے محکمہ غا افسران تے عملہ نانہ جموں کشمیر مانہ محفوظ علاقان غا تحفظ واسطے ان غی شاندار خدمات ور خراج تہسین پیش کیو گیو وزیر موصوف نے جموں کشمیر حکومت غی کوششاں نانہ سہراہو جن غو مقصد قدرتی ورثہ غ و تحفظ ماحولیاتی سیاحت نانہ فروغ دینو حیاطیاتی تنوع غی نگرانی تے رہائش گاہاں غی بحالی ہے اس موقع ور وزیر موصوف نے جنگلی حیاطیات بارے تحقیقی و تربیتی مرکز تے افسران واسطے جنگلی حیاطیاتی قوانین ور ایک روزہ لازمی تربیتی کورس غو وی اعلان کیو۔

CS NORTH ZONE CONF

چیف سیکرٹری اٹل ڈلو نے 8 ویں شمالی زون ریاستی قانون خدمات اتھارٹی غی علاقائی کانفرنس غی تیاریاں غو جائیزو لیو ہے یاه کانفرنس 26 تے 27 جولائی نانہ سرینگر مانہ منعقد وے گی اس شاندار تقریب مانہ بھارت غ اچف جسٹس قانون بارے مرکزی وزیر بکھ بکھ ہائی کورٹاں غا چیف جسٹس صاحبان تے دوجا اعلی قانونی عہد دار شرکت کریںگا کانفرنس غی اہم جھلکیاں مانہ شیر کشمیر بین العوامی کنووکیشن مرکز سرینگر مانہ افتتاحی اجلاس ت بارون مانہ قبائلیاں واسطے ایک بڑو قانونی آگاہی کیمپ شامل ہے۔ میٹنگ غے دوران چیف سیکرٹری اٹل ڈلو نے تمام محکماں نانہ ہدایت دتی جے وے رہائش نقل و حمل حفاظت تے کانفرنس غی بکھ بکھ سرگرمیاں نانہ خوش سلوبی سنگ منعقد کرن واسطے مکمل انتظامات نانہ یقینی بناویں جہڑی 2 روزہ کانفرنسک غے دوران وینگی۔

HELPLINE NO

ایس آر او 43 آر اے ایس غے تحت متاثرین نانہ بروقت مدد تے فوائید غی موثر تقسیم نانہ یقینی بنان واسطے صوبائی کمشنر جموں نے دہشت گردی تیں متاثرہ افراد واسطے ایک مخصوص لینڈ لائن تیلی فون نمبر جاری کیو ہے یوہ نمبر 01912478995 وے گو جہڑی جموں صوبہ مانہ شکایات سوالات تے متاثرہ افراد غی معاونت واسطے بنیادی رابطہ غا طورور کم کرے گی اس قدم غو مقصد انتظامیہ ت متاثرہ خانداناں غے بشکار رابطہ نانہ موثر منانو تے فوائید غی بروقت فراہمی نانہ یقینی بنانو ہے شہریاں نانہ ہدایت دتی جے کہ وے اپنی ضروریات صورت مانہ اس ہیلپ لائن سنگ رابطو کریں۔

KISHTWAR MEETING

آن آلا مزیدی تہواراں تیں پہلاں حفاظت نانہ مضبوط بنان غی کوشش مانہ ایس ایس پی کشتواڑ نریش سنگھ نے ڈی پی او کشتواڑ مانہ ایک اعلی سطحی جرائم تے حفاظتی جائیزہ میٹنگ کی صدارت کی۔ ایڈیشنل ایس پی پردیپ سنگھ گوریا تے سننیر افسران کی میٹنگ مانہ ماضی غی ہدایات غی تعمیل حالیہ جرائم گے رجحانات تے تہوار غا موسم واسطے تیاریاں گو جائیزو لیو گیو۔

BAL PURUSKAR

بھارتی حکومت نے پردھان منتری راشٹریہ بال پورسکار 2025 واسطے نامزدگی غی دعوت دتی ہے یوہ اعزاز 5 تیں 18 سال غا بچاں نانہ بہادری سماجی خدمت ماحولیات کھیل فن او ثقافت یا سائنس او ٹیکنالوجی کا شعوباں مانہ نمایا کارکردگی ور دتو ور جین تے داخلو <http://awards.gov.in> جے اگر تم کسی وی ایسا بچہ نانہ جانیں تے فوراً اس گو نامزد کریں اندراج واسطے 31 جولائی 2025 تیں پہلاں جمع کرانیں تے ملک غا پونہار بچاں نانہ ان غی قابلیت غو صحیح مقام دوان مانہ مارو ساتھ دیں۔
